

استشفا

۱۱ تشرین اول ۱۳۲۴

جمعه ابرنی

نومرو ۶

معاهدات

۵

فرانسه قایتولاسیون

۱

مقالات سابقه، ده تاریخی، تعریفی و برنجیدنک صورت اعطاسی بیان ایدلکم قایتولاسیونلر بزده مختلف ناملرله یاد ایدیلر. معاهدات عتیقه، عهود عتیقه، امتیازات عتیقه دینر. معاهده کلهسی قایتولاسیونلر ایچون استعمال اولندقدن طوغری اولاماز. چونکه معاهده نامه - لغتجه معناسی دخی دالات ایدلکی اوزره - تعهدات متقابلیه شامل بروتیقه در؛ قایتولاسیونلر ایسه - بو عنوانک شامل اولدینی نادر استثنایلردن صرف نظر ایدلده - احد طرفینه حقوق، امتیازات و مساعدات متنوعه بخش ایدش ویا لکز معطی اولان طرف تعهداته گیرمشدر. کذلک «امتیازات عتیقه» تعیری مندرجانک ماهیت ومدلوله معطوف اولدیغندن او امتیازاتی محتوی اولان سند بر اسم ویرمک لازم کلبکه بو اسم اولسه اولسه «عهدنامه» در. بناء علیه «عهد عتیقه» تعیری مرجحدر.

قایتولاسیونلر بر نظام داخلی آیدرر؛ اجانبک ممالک عثمانیه ده حال وموقعلری تعیین وتنظیم ایدر. فقط مادامکه اجنبی بردولته قارشو تعهداتی حاوی در واکا ویرلمشدر. بر عهددر. فرمان شکلنده اولسنه نظراً معاهدات شخصیه جمله سندن اولقی ایجاب ایدردی. معلوم اولدینی اوزره معاهدات دولیه بر نقطه نظر دن ایکی به تقسیم اولنوب بر قسمنه «معاهدات شخصیه *Traités personnels* دیگر قسمنه «معاهدات حقیقیه ویا عینی *Traités réels*» تسویه اولنور. معاهدات حقیقیه ویا عینیه بونلری مذاکره ایدنلرک شخصلری نظر اعتباره الخیه رق موضوعلری اولان موادی ویا ماده بی اشمال ایدر. معاهدات عینیه دولتی تعقید ایدوب شکل حکومت نه قدر تبدلاته اوغراسه مرعیتلری مجبوری اولور مکرکه مدتلری صراحتاً تعیین ایدلش اوله. معاهدات شخصیه بویه دکدر. شو طاقم معاهدات

عاقدری اولان حکمدار لرك شخصلرله قائم و وفاتلرله حکم و اعتباردن ساقط اولور. اشته ايلك قايتولاسيونلر آتجق معاهدات شخصيه من صرسته داخل و نائق دوليه دن بولمسنه و بنابرین حکمدار عاقدك مدت سلطنتنجه نافذ الحکم اوله رق اندن صكره معمول به اوله مامسی قواعد حقوقيه دن اولمسنه بناءً شوقاعده ي نظر دفته آلان فرانسه حكومتی هر يكي حکمدار عثمانی به سلفك و ير مش اولديني قايتولاسیونی تجديد ايتدرر و يكي عهدنامه ايله يكي امتيازات استحصال ايدردی بوصورته درگه قايتولاسيونلر يكرمی بش اوتوز ماده دن باشلايوب سكران ماده ي تجاوز ايتمشدر. شو موادك هر بری متحمل كورنديكي مرتبه و بلدكه دها فضله سوء تفسيره اوغرا دلمش اولديني نظر دفته آليئرسه ماده لرك تكثيرنده كي محاذير عظيمه هويدا اولور. صوك قايتولاسيونلره تأسيسی مشعر بعض الفاظ درج و علاوه اولمش اولديغندن بونلرك آرتق تجديدينه لزوم قالمامشدر.

مقاله اخيره مرك صوكلارنده «ايلك قايتولاسيونك لطف و مروت محصولی اولمستدن زياده مدهنجه نوازشلره مستغرق ايديلان غرور مزدن و برده حقوق و وظائف دوليه يي بيلمك ككمزدن، بصيرتسزلك كمزدن نشأت ايتمش اولديني كورينورز» ديمش ايدك. اجنبيلری استحقار وانلرك ممالك عثمانيه ده خصوصات مدنيه و ساأره لريله اشتغالی بيضاغی تنزل عد ايتمش اولديغمزی علاوه ايدرسه ك ايلك قايتولاسيونلرك حكمت اعطاسنی ايضاح ايتمش اولور. سلطان سليمان قانونی دوری حكومت عثمانيه تك اقصى قدرت و شوكتی بولديني بر دور اولوب اندن صوكره دولته ضعف و انحطاط كورلمش و عهد عتيقه متأخره تك اعطاسنده احوال سياسيہ الجا آتيله مجبوريٲ بيله حس ايدلمشدر. قانونی سلطان سليمانك و يردیكي قايتولاسيونك بر قسم احكامی دولتك اوج اعلاى اقبالده بولنديني و حاكيتی جهانہ احساس و مطاع ايلديكي بر زمانده اك علوی قواعد معاشرت دوليه به رعایتی اظهار ايلديكي و بوكون بك محترم و مقدس طوتيلان اساسلره و عادات دوليه به موافق بولنديني جهته شايد تقدير درر. سربستی سياحت بريه و بحريه ؛ سربستی بيع و شرا ؛ سربستی وصيت و وصيتنامه سز وفات ايدنلرك - استشاره -

متروکاتک قونسولوسی واسططیه ورثه سنه ایصال وتسلیمی؛ فراری مدیون ایچون قونسولوسک ویا وطنداشلرندن برینک عدم مسؤلیتی؛ سفان تجاریه نك جبراً دولته استعمال اوانه مامسی؛ حریت وجدانیه و سربستی آیین واسرائلک حفظ اولتمه رق مأخوذ منه اولان طرفه اعاده سی؛ شونلر بیان ایلدیکمز قسمندر . لکن فرانسزلر ارسنده بکون ایدن دعاویتک رؤیتی قونسولوسلره ترک واحاله اولتمق وقونسولوسلرک ویردکلری حکملرک تنفیذینه ضابطه محلیه بی مجبور قیلمق؛ فرانسزلره عثمانلیر ارسنده حادث اولان دعوارده مدعی بنه تحریره سی اولمدقچه حضور حاکمه کیده مامک وهر حالده ترجمان حاضر اولمدقچه محاکمه اجرا ایدیله مامک وجزا ایشلرنده فرانسزلر آنحق صدراعظم حضورنده محکوم اوله بیللمک؛ بونلر وامثالی حقوقک هیچ برقاعده سیله وعلی الخصوص حقوق حاکمیتله قابل تالیف شیر دکلدز .

فرانسزلر بزدن سکر قاپیتولاسیون آملشردر . النده الکچوق قاپیتولاسیون بولان دولت فرانسه در .

هر قاپیتولاسیونک نه کی احوال تاریخیه ده نصل وقائع سواقیه ویرلدیکی صدمزدن زیاده تاریخه اعلق ایلدیکندن وبختمزی بومنوال اوزره تاریخه پک زیاده قاریشدره رق تطویل واتشیت ایتمک ایستمدیکمزدن فرانسز قاپیتولاسیو - نلرینک هانکی تاریخلرده وهانکی پادشاهک زماننده ویرلدیکی سویلمک ونصل تکثر ایستدیکفی مختصراً کوستر مکه اکتفا ایده جکر . مواد مندرجه نك مطالعه وتدقیقات تفصیلیه سی شو تعداددن صوکره کله جکدر .

بالاده بیان ایلدیکمز وجه ایله ایلك قاپیتولاسیون سلطان سلیمان قانونی طرفندن میلادک ۱۵۳۵ وهجرتک ۹۴۱ نجی سنه سنده ویرلمشدر . بوتاریخه قدر فرانسه موقت هیئت سفارت کوندر مکده ایکن تاریخ مذکور دن صوکره دائمی سفیر تعیین واعزام ایلمشدر .

قاپیتولاسیونلرک ایکنجیسی ۱۵۶۹ - ۹۷۷ ده وفرانسه قرالی طقوزنجی شارل زماننده سلیم ثانی طرفندن ویرلمشدر . بوقاپیتولاسیونده یکی بر امتیاز

مقید در که بوندن بالاستفاده فرانسه بایراغی التندہ سیروسفر ایدن فرانسه کیلری سربست اولدقلری کبی دولت علیه ایله معاهد اولمیان دول سائرہ سفائی دخی آنجق فرانسه باندیره سی حامل اولقی شرطیله ممالک عثمانیہ ده اجرای سفر و تجارت ایدہ بیلرلر . بو امتیاز فرانسه نك نفوذینی آرتدیرمشدر . دولتمز بو امتیازی اینہ بختی ده دونخامن محو ایدلدکن صوکره ویرمشدر . فرانسه ایله دولت علیه آره سنده لهستان پولنیقه سندن طولانی برودت حاصل اولسی اوزرینہ انکلیزلر فرصتی بالاغتنام استانبوله سفیر کوندروب انکلتزه باندیره سی ایچون سربستی کشت و کذار و کسب و کار حقنی استحصال ایتمشدر ، (قرالیچه الزابت دوری) . بوندن تلالشه دوشن فرانسه - اشاعیده کوریلہ جکی اوزره - انکلیز امتیازینی رفع ایتدیرمشدر .

اوجنچی قایتولاسیون ۱۵۸۱-۹۸۹ سنہ سنده سلطان مراد ثالث فرانسه قرالی اوجنچی هازی به اعطا ایتمشدر . انکلیز بایراغنه تأمین اولنان امتیاز مذکور اشبو قایتولاسیونله لغو ایدلمشدر . بعدازین انکلیز کیلری جنوه و ندیک ، سیجلیاتین سفائی مثللو آنجق فرانسه بایراغی کشیده ایتدکلی حالده ممالک عثمانیہ ده سیر ایدہ بیلہ جکلردی . اوجنچی هازی شو موفقیتدن بشقه امور تشریفاتیہ ده فرانسه ایلچیلرینک دیگر سفرا به تقدم ایتسنی دخی احراز ایلمشدر . دولت علیه فرانسه حکومتنه ایمراطورلق نظریله باقدینی ایچون سفیرلرینک مأمورین ممالک به تقدیمی قاعده سی قویمشدر . حال بوکه فرانسه برقراللق اولوب بالعموم دولترجه بویله طانمقده ایدی . مع هذا ایلروده بحث ایدہ جکمز ویانه قونفره سی بین الدول اصول وقواعد تشریفاتیہ وضع ایتش . و فرانسه ایلچیلرینک امتیازی قالمامشدر .

دردنجی قایتولاسیونی ویرن سلطان محمد ثالث و آلان دردنجی هازیدر . بونک تاریخ اعطائی میلادک ۱۵۹۷ و هجرتک ۱۰۰۵ سنہ سنده مصادفدر . عهود سابقه یی تأییداً و یریلان اشبو قایتولاسیونک اعطاسنده کرید محاربه سنده فرانسه لیلرک و ندیکلیرله معاونت ایتلرینک تأثیری اومشدر . - برنجی فرانسوانک

درگاه سلیمانی به التجا و استمدادی ایله باشلایان دولت علیه - فرانسه مناسباتی بویه اختلالره چوق دفعه اوغرامش. ومسبب فرانسه اولمشدر. فرانسه حکومتی سلطان سلیمان قانونی دورنده بیه دولتک اغرار وانفعالی موجب اوله حق حرکانه بولمش ایدی

بشنجی قایتولاسیون (۱۶۱۴ - ۱۰۲۲) سلطان احمد اول وینه دردنجی هازی زمانلرنده اعطا ایدلمشدر. بونده امتیازات سالفه نك تأییدندن بشقه قدسه کیده جک رهبانك فرانسه طرفندن حایه اولنه جفی وسفرایه مخصوص اشیدان مکرمک رسمی اثیه جفی بیان اولنمشدر. فرانسه قونسولسارینك قاتولیکلری حایه ایتملری اصل بو تاریخدن باشلار. اشبو حایه مذهبه بوندن صوکره ویریلان قایتولاسیونلرده تأکید ایدلمش ونهایت برلین معاهده سنه دخی کچیرلمشدر. ۱۶۱۴ سنه سندن صوکره دولت عثمانیه نك فرانسه ایله آردسی آچلدقدن بشقه فرانسه ده تگون ایدن اغتشاشات داخلیه وعلی الخصوص پروتستانلق غوائلی فرانسه بی قوتدن دوشورمش وشرقده نفوذ واعتبارنی قیرمشدر. بوندن بالاستفاده انکیلیزلر، وندیکیلیز، فلمنکیلیز دولت علیه ایله عقد معاهداته مسارعت ایستدیلر. وعثمانی دکرلرنده کندی کیلیرینك کندی بایراقلرله سفر وتجارترینه مساعده ایلدیلر.

التنجی قایتولاسیون ۱۶۷۳ - ۱۰۸۴ سنه سنده وسطان مراد رابع واون اوچنجی لوتی نك دور حکومتلرنده ویرلمشدر. اگرچه بوعهدنامه ده سفان اجنبیه نك فرانسه باندیره سی آلتنده سیروسفر ایتملری قیدی اعاده اولنمیدی، فقط شوکامقابل کرمک رسومی یوزده بشدن درده ایستدیرلدی وفرانسه نك کندی «ملتندن» اولان رهبان اوزرنده حق حایه سی تأیید اولنمیدی. قدسه کیدن راهبرک محمیتی مسأله سی فرانسه طرفندن توسیعاً تفسیر ایدلمشدر. شویه که «ملت» تعیری «مذهب» معناسنده تفسیر اولنه رق بوندن حایه مذهب چیقارلمشدر حال بوکه اوچنجی والتنجی قایتولاسیونده مذهبی حایه بحثی یوقدر. - بو قایتولاسیون استحصال اولندیغی زمان عموم دولتلر فرانسه بی تبریک ایللمشدر. مارسیلیاده تجارت بو زماندن

باشلامش و فرانسه نك تجارتی پك زیاده ترقی ایتشدر كه قایتولاسیونك تأثیر آتشدنر . او وقتلر بر غروش شمدیكى قیمته نسبتله بر خیل پاره ایدردی . او سایه ددر كه فرانسه نك تجارتی ۱۷۲۰ ده اون ایكى میلیون غروشه بالغ اولدی . اندن یاریم عصر اول آلتی یوز بیک غروش ایدی . اوج ییلده درت ملیون غروشلق تزايد کوستردی .

یدنجی قایتولاسیون ۱۷۴۰ - ۱۱۵۳ تاریخلیدر . اون بشنجی لونی دورنده محمود اول طرفندن اعطا اولمشدر .

بو قایتولاسیون صوكنجی در . بونده دیگر لرینه نسبته معاهده شكل وحالی ده ا زیاده واردر . رسماً فرانسه سفارتنه تبلیغ اولندیكى كبی « الی ماشاء الله تعالی احكامنه رعایت اولنه » جمله سیله هم معاهده شكلی المش همده ایدی الاحكام اولمشدر . ارتق اشبو فرمان عهد شخصیه دن صایلماز .

او تاریخده فرانسه ایله دولتمزك اره سی غایت اینی ایدی . فرانسه ایلچیسى روسیه محاربه سی آتاشنده اولاتوسط بعده حربه اشتراك ایدن آوستریا دولته قارشو آچیلان محاربه نك ختام بولسنه و معاهده صلحیه عقدینه وساطت وغیرت ایتش اولمشندن طولانی اشبو قایتولاسیون ویرلشددر .

۱۷۴۰ دن صوكره فرانسه ایله قایتولاسیونمز یوقدر . بر بحق عصر صكره یاسیلان معاهده لرده قایتولاسیونلر دن بحث اولمشدر . ۱۸۰۲ تاریخلی معاهده ایله قایتولاسیونلر ك مندرجاتی مقاله آیه مزك موضوعنی تشکیل ایده جكددر .

ابن الضیا

لاحقه . - سلطان احمد اول سلطان مراد رابع و سلطان ابراهیم و سلطان محمد رابع زمانلر نده ۱۶۰۴ ، ۱۶۳۵ ، ۱۶۴۰ ، ۱۶۴۹ تاریخلر نده تأیید اولنان قایتولاسیونلر صایله رقی و او ماهیتده اولمیان ۱۸۰۲ معاهده سی دخی علاوه اولنه رقی عهد قدیمه مزى بعض مؤلفین اون ایكى به جیقار مقده لر ایه ده اصل قایتولاسیونلر بر وجه بالا یدى در .